

PAMERAN DAN CERAMAH KESEDARAN ALAM SEKITAR OLEH JABATAN ALAM SEKITAR NEGERI MELAKA DALAM PROGRAM KOMUNITI e-READ (CINTAI ALAM SEKITAR) ANJURAN JABATAN KEMAJUAN MASYARAKAT PARLIMEN TANGGA BATU

19 JUN 2023, MELAKA - Jabatan Alam Sekitar Negeri Melaka bersama-sama Jabatan Kemajuan Masyarakat Parlimen Tangga Batu, Melaka telah berkolaborasi dalam menjayakan Program e-READ (Cintai Alam Sekitar) pada 17 Jun 2023 yang lepas bertempat di Kompleks Pusat Sumber Sungai Udang, Melaka.

Jabatan Alam Sekitar Negeri Melaka telah mengadakan pameran kesedaran alam sekitar dan ceramah berkaitan Pengurusan Sisa Buangan Elektrik dan Elektronik (e-waste) isirumah semasa program tersebut. Peserta program terdiri daripada ahli komuniti Sungai Udang dan kakitangan KEMAS. Ceramah tersebut telah disampaikan oleh Puan Rohaiza binti Ab Aziz, Penolong Pegawai Kawalan Kanan, Jabatan Alam Sekitar Negeri Melaka (Cawangan Taboh Naning). Bagi menghangatkan suasana dan menguji minda para peserta, kuiz alam sekitar turut diadakan ketika program.

Seperti lazimnya program kesedaran alam sekitar yang disertai oleh Jabatan Alam Sekitar Negeri Melaka, kaunter pendaftaran Rakan Alam Sekitar (RAS) juga dibuka untuk orang awam serta peserta program.

#KementerianSumberAsliAlamSekitarDanPerubahanIklim

#JabatanAlamSekitar

#jasnegerimelaka

#AlamSekitarTanggungjawabBersama